

皇明經世文編

皇明經世文編卷之二百六十六

徐孚遠闇公 宋徵璧尚木

華亭

選輯

陳子龍臥子 李 雯舒章

顧開雍偉南叅閱

胡少保奏疏

疏

胡宗憲


題爲點虜近邊甘言求貢事

荐用  
本兵

據宣府西路叅將趙臣手本開稱嘉靖二十九年十

一月三十日卯時分據境門臺夜不收郭志保等瞭

皇明經世編

胡少保奏疏

荐用本兵

一

平露堂

見境外地名鞍橋梁、達賊一十餘騎前來、離邊約遠二里、本臺隨舉號令、其賊驟馬前來、到於本臺東空牆下站立、內有一賊漢語叫說、我是俺答差來通事、下此文書、與你大那顏、要求進貢、或准不准、我到十二月初十日再來見話等語、說罷、射箭一枝、各賊復回舊路去訖、當有巡牆伏空家丁通事劉世良段保等、收獲其箭上縛達書一紙等因、到職擬合通行、爲此合用手本前去、煩請施行等因、據此、臣惟外夷進貢、固以小事大之常、然非有所懲則必有所慕、通道

九夷罔以大字小之義然非念其款塞之誠則必原  
其作過之小今照俺荅等首悖逆 天道包藏禍心  
連歲搶掠邊疆今秋侵犯畿輔雖賴 皇上天威震  
蕩旋即退遁然未遭大創以懾其心是彼未有所懲  
也虜欲求貢不過貪漢財物邇來搶擄宣大薊鎮子  
女金帛俱各滿載其利厚矣是彼未有所慕也賊旣  
無所懲又無所慕是其款塞果出於誠乎荼毒生靈  
慘不忍言震驚畿甸侮亦已甚是其作過可謂之小  
乎今一旦求通請貢無非陰蓄異謀緩我兵師試我

無故求款與隆慶間不同

虛實弛我防範爾若實許之是彼以兵行成而我以  
戰爲諱矣其可乎古云匈奴之衆不過漢一大縣堂  
堂天朝富有四海視彼小夷何啻萬倍况我皇  
上神武超世遠繼祖宗適值中興迂衡之運天人  
協應之時廟筭一施醜虜破膽矣區區俺荅何足  
患乎除臣會同撫鎮等衙門通行兩鎮各該大小將  
領厲兵秣馬嚴明烽燧以俟戰守外如蒙伏望皇  
上軫念邊方緊急夷情乞勅該部會同文武大臣  
從長計議如欲大舉必先開謀或外施羈縻之術以

探其情內修攻戰之實以俟其便動於九天之上使疾雷不及掩耳此兵家之一奇善用兵者所不廢昔

食其本而儉止亦命也

漢高祖以酈食其啗秦將而大破秦兵唐太宗以唐儉爲刼間而卒擒頡利用此道也其於應調兵馬合用錢糧早爲區處併通行內外各該關隘處所比常十分嚴加隄備以防不測之虞則兵威可振虜患可弭矣

一重本兵以慎樞機職惟今之兵部尚書即周之大司馬宋之樞密使所以統六師平邦國安中夏攘外

夷者也。况今日北虜方殷，南夷未靖，度勢揆時，責任尤重。是非有通變之才，有清修之操，權衡藻鑑之精，踐歷諳練之久，未足以當是任也。職伏覩兵部尚書某，徒有清修之操，素乏通變之才，志雖切於分猷謀，實疎於料敵。是以徒恃薊州撫鎮虛誕矜誇之言，爲可憑，而不思某某之預報虜情爲足信，遂使虜馬突至，倉遑無備。上厯君父之宵旰，下致生靈之塗炭，誤國殃民，罪何可委。卽今虜志旣驕，勢必復來，天下事豈堪迂儒再破壞哉。伏乞早賜罷斥，以謝天下可。

也。但本兵之任不可久缺。職思原任兵部尚書今起用某先服僚於南荒。繼總督乎北塞。虜情備諳。戎務周知。若使復任本兵。必能有所裨益。但成命已出。反汗若難。然勢有輕重。事有緩急。以宣大比諸邊。則宣大急。以畿輔比宣大。則畿輔急。以總督方諸臣。則總督重。以本兵方總督。則本兵重。計日下某起程已久。當抵近郊。伏乞陛下勅下兵部。即差一官速之。早來授以本兵。資之戎計。彼某者感陛下非常之遇。竭忠盡節。以圖報稱。職敢保其必然矣。但宣大重

鎮京師北門，總督之任，亦難其代。然觀侍郎某，暫理戎機，綽有條理。若更賜勅書，委以久任，亦無不可。但此官兼總四鎮，逢制實難。即不幸有馬謖，任福輩臨機違錯，雖諸葛亮、韓琦之賢，亦不能保其不敗。若寬其小過，責以大成，宜無不感激而效忠矣。再照職方郎中官主詰戎職，專任將裁決。雖出於堂官草創，實由於司屬。苟非其人，爲厲不細。如見任職方郎中某，操守有餘，執泥太甚，力小任重，遂致覆餗。職訪得原任禮部員外郎今謫官某，生長邊方，通曉戎務，况

其懲創已久、經練愈深、若擢任以職方、必能無負厥職、臣言至此、非不知朝廷用人自有定見、但今緊急之際、艱難之秋、恐授任之間、稍有不勝、則誤事不淺、蓋人才難得、亦難知、或以迂緩而鈞持重之譽、或以浮誇而負才名之望、是非驗之以行事、試之以諸難、雖唐堯之聖、亦不能不失於伯鯨、故職寧受出位言事之辜、不欲使朝廷復任誤事之臣也、伏乞聖明留神採擇、

爲議處緊急海寇以救生靈以安根本事疏

議處兵將

臣等切惟南都乃祖宗根本之地。吳越爲天下財賦之源。國初建都金陵。蓋倚兩浙爲左輔。維揚雄據淮海。實爲畿甸之北藩。均屬要區。尤宜慎守。臣等昨覩漕運都御史鄭曉直隸浙江等處巡按御史孫慎趙炳然等題。俱爲緊急倭寇事。內節開通泰蘇松嘉興等處地方。俱被倭賊攻圍劫掠。生靈受害極其慘酷。其叅將盧鏜俞大猷等。俱與賊戰敗。僅以身免。即其所言。則地方危急。士氣銷沮。亦已甚矣。况維揚蘇浙與南都密邇。信宿可至。及今不爲之處。則將來

之患。可勝言乎。夫用兵之道。任將爲急。然人才難得。亦難知。古稱百戰而名將出。今承平日久。武事廢弛。宜名將之難得。即目前所見。如俞大猷。盧鏜者。亦極一時之選。武弁之巨擘也。然近有此敗者。亦以未經懲創之過耳。昔秦孟明有崤函之敗。而卒收破晉之功。諸葛亮有街亭之悔。而終折仲達之氣。此二子者。曠世之雄。然亦必待道蹶而後得便。況於今之爲將者乎。臣等以爲盧鏜等。仍當假以原職。重以事權。畧其前愆。責以後效。彼旣感恩再生之恩。必當效百死之

報同心戮力自能成功。若以一事之失。遽爾更置。非

○保○惜○名○將○用○兵○第○一○義○

惟有臨敵易將之嫌。亦恐一時無有出其右者。昨御

史趙炳然亦言緊急用人。勢甚難已。炳然親臨其事。

目擊其人。未必無見。伏惟皇上留神採納。是亦使

功不如使過之意也。然有能之將。亦必藉可用之兵。

今浙中所恃者。漳處之兵。吳中所恃者。徐邳之兵。皆

新遭喪敗。氣難驟振。臣等以爲地方旣受非常之禍。

亦當大破尋常之格。必南調各省土兵。爲浙中蘇松

之援。北募各處民兵。爲淮揚通泰之援。其水戰兵船。

仍多取於漳泉。令勢併力。水陸夾攻。俾大遭挫衄。則外夷絕窺伺之念。畿甸有磐石之安。此一勞而永逸之道也。夫欲足兵。尤先足食。今

國家財用耗於禦虜。庫藏空虛。措置實難。苟非暫爲權宜之術。則無以

救燃眉之急。臣等愚見。欲將各省并直隸府分未曾

此時江南全盛。官民皆有餘積。故集事稍易。後來以趙司空之貪。開制使之被兵去處。或取自官庫。或暫借歲派。各分定錢糧數

法而卒成厥功者。物力足供也。

目。及應接濟地方。立限解送。以供軍儲。其各處所調人馬行糧。徑令本省動支倉庫錢糧。照數給付。若各處解銀未到。糧餉一時無措。許令各該撫按官榜示

富室論以禍福利害各令量出資財以助軍需彼中  
士民達理者衆其於身家輕重利害多寡之較籌之  
亦熟必不以爲厲已也或者謂勸借民間反致騷擾  
殊不知此寇不除則地方之患無已身家且不能保  
又何有於資財乎是猶覆舟者不思身命之重而惟  
憂囊橐之溺也惑亦甚矣故斷大事者惟計利害之  
大較不眩於目前之是非也臣等又惟近日諸將往  
徃敗事固由於怯懦寡謀然亦事權太輕威令不行  
之所致昔孫武斬宮嬪穰苴誅莊賈非好殺也所以

立威示信。而成節制之兵也。夫兵凶戰危。苟無大賞。罰以鼓舞之。使之知有進歿之榮。無退生之辱。則人亦孰肯自甘必歿。以蹈危地哉。故命將而不假以生殺之權。而欲責其成功。是猶治河者盡去隄防。而欲免橫流之患。無是理也。今海賊濟水焚舟。爲久住之計。此其志當不止於流劫而已。而我猶蹈故襲常。欲以驕情玩愒之卒。當彼銳氣方張之寇。其不敵宜矣。故欲責其決勝。必須假以重權。臨陣之際。俱得以軍法從事。則庶乎士卒畏我而不畏敵。允爲節制之兵。

投之所向。無不如意矣。然兵法又曰。恩未敷而遽加之以威。則不服。今各處所調士卒。皆烏合之衆。應募而來。非素隸尺籍者。若非先懸重賞。何以壓服其心。

即今沿海賞格。雖曾更定。然比之各邊。猶爲差薄。臣

後來賞格。遂同北虜。

等以爲。今後斬獲首功。必須破格陞賞。則非惟作將士之氣。亦可免意外之虞矣。再照軍情重務。機會之來。間不容髮。今南京浙江相去。京師三千餘里。若彼中一切事機。必待奏覆而後敢行。爲本兵者。亦待彼具奏。然後議處。文移往返。動經旬月。彼此觀望。坐

失機宜。禍變未弭。良由於此。臣等欲乞 皇上勅下  
南京兵部及浙江等處提督衙門。今後但有地方緊  
急事情。應該便宜處置者。一面先行處置。一面具本  
奏聞。仍 勅兵部務炳幾先。毋蹈後時。凡有應行事  
宜。揆之理勢。在所必然者。彼中雖未及奏。俱要預爲  
酌處。逐一題請施行。則南北協謀。中外同心。機會不  
坐失。勝筭可以先定矣。

爲議添將官以備戰守以保地方事疏

添設  
參將

據分守浙西叅政謝少南分巡浙西僉事李廷松呈

稱竊惟海寇猖獗。邇來尤甚。杭城係省會重地。所貴強幹之謀。宜預爲不可犯之勢。以陰折其欲犯之心。隱然爲兩浙之望。而東西倚重。卒然有警。亦可恃以無恐。乃上無統馭之將。下無應敵之兵。相習偷安。而不知幸之不可常恃也。據今險要。東南邊江。徑通大海。東北直塘。接連金山。三面受敵。而使萬全無策。羣醜窺視。安能逆料萬一擁衆乘虛。全浙之大勢危矣。此添將練兵。不可不汲汲於議處也。且浙東之叅將。遠在寧波等處。寔與省城勢不相及。雖浙西近設叅

將杭城亦其分地。然時勢有緩急，利害有重輕。往年之海寇來去有期，而在我之備禦操縱有時。今乃盤踞深淘等港，動以萬計，而嘉興一帶一夕不得安枕。雖使將官專彼經畧，尚不能支持，而必欲其兼攝，不惟力不能周，而法亦難以責備也。况嚴州淳安等縣礦徒嘯聚，出沒無常，雖一時爲患未深，而不早爲撲滅，俟其燎原而後徐圖之，計亦晚矣。合無俯念地方速爲題請，添設叅將一員，專在杭城住劄，分守杭嚴并所屬地方，凡軍衛有司軍民水陸等兵，悉令統理。

操練專備海寇并礦徒諸盜一應防勦事宜聽其從長計處務期保障一方其先設叅將仍分守嘉湖二府并所屬地方庶責任專而事權一彼此聯絡互爲聲援賊雖紛至沓來而各有綜理自不至于周章旁午矣候事勢寧日次第題請裁革是亦一時救急之權不獨安內捍外而居重馭輕亦事體之不容已也等因到臣該臣會同總督張經巡撫李天寵議照重內所以捍外強幹所以固枝杭州府城係省會重地襟江帶海舟楫之所湊泊財貨百物之所聚集人民

浩繁而多脆弱。商賈襍亂而無統紀。爲賊所易視而  
垂涎亦久矣。則其重內強幹之策。在今日誠不可緩  
者。但往因兩浙有警。各議添設叅將一員。浙西叅將  
分守杭嘉湖地方。往來調度。其綜理似亦周密矣。然  
時有緩急。勢有難易。往歲倭賊侵犯。必乘風汎。其數  
多不滿千。近日賊衆俱盤踞于嘉興隣境。動以萬計。  
分番侵擾。浙西叅將專守嘉善平湖。尚且支持不前。  
恐無餘力。可及他處。若賊由陸路則自乍浦海寧。不  
三日可抵北關。賊由海道則自蟹子門登岸。去省城

不過十數里。瞬息可到。况嚴州地方。又有礦徒嘯聚。

倘窺我空虛。乘機竊發。則腹心之患。尤當預防。臣等

今杭城未嘗

懦而怯敵。驕而數降耳。

愚見。以爲浙江省城。委宜忝設叅將一員。挑選民兵

一枝。及杭嚴水陸官兵。俱令統領居中調度。以固根

本。如遇寧紹嘉湖有警。亦令往來策應。而浙西叅將

專守嘉湖。以遏賊衝。若果賊勢重大。一路不支。則二

路之兵。併力應援。相爲犄角。使氣勢聯絡。聲響相聞。

無顧此失彼之虞。有首尾夾攻之便。內可消患于未

形。外可禦侮于方熾。揆之事勢。似爲合宜。伏乞 皇

上軫念浙江省城爲東南重地、勅下該部、再加詳議、早賜施行、其分守杭嘉湖叅將原領、勅書、另請換給、以便行事、則地方幸甚、臣等幸甚、

爲海賊突入腹裡題參各官疏

叅劾失律

竊惟我祖宗開創之初、深慮倭夷爲患、加意海防、建設衛所、戰艦鱗次、烽燧星羅、領哨有出海之把總、備倭有總督之都司、法不可謂不密矣、邇因承平日久、海防漸弛、軍伍空虛、戰艦損壞、以致海賊倭奴、乘我無備、互相扇構、犯邊得志、漸侵內地、賴我皇上

赫然震怒期殲小醜俯從諸臣所請悉復祖宗之  
舊又創立提督撫臣以兼總工省復添設領兵叅將  
以分守兩浙而嘉湖等處又專勅憲臣一員以整  
飭兵備神謨聖筭曲盡不遺廓清海隅計無出此  
柰何領兵諸臣才非統馭識昧韜鈴平居則法紀盡  
廢臨敵則號令不行十羊九牧力旣分於將多此是  
彼非心又乏乎共濟或見餌而貪功則競進而不讓  
或遇伏而戰敗則觀望而不救分合無方進退無紀  
名爲用兵實同兒戲以致屢蹈覆轍大損軍威夷心

益生而民患日甚也。臣請詳述失事之由。爲我皇  
上陳之。夫善禦盜者。不鬪力於庭中。善拒敵者。必遏  
截於境上。方賊之始入也。指揮陳光祖。把總孫敖。擁  
兵而不能阻遏。部領處兵。指揮樂墳。歛兵而不敢出  
戰。則皆以賊衆兵寡爲詞。而領兵僉事羅拱辰。又以  
赴省會議爲解。此猶可恕也。及後提督都御史李天  
寵。督同帶管海道副使陳應魁。叅將俞大猷。都指揮  
劉恩。至帶領水陸官兵。俱抵嘉興。而羅拱辰兵亦來  
會。此時我兵不下三千餘名。李天寵隨即督發俞大

猷劉恩至羅拱辰等各領所部官兵併力追剿而以副使陳宗夔陳應魁隨營監督水陸並進。刻期夾攻。此未爲失策也。使俞大猷劉恩至等果能遵奉方畧協力全心。勢可以戰。則合縱以摧其鋒。機未可乘。則犄角以伺其便。是雖未能遽收平賊之功。亦豈遂至有喪師之辱。奈何諸臣自分爾我。各懷意見。知分兵而不知合兵。求滅賊而不能料賊。劉恩至之直前奮戰。可謂敢勇矣。然謀貴萬全。今不與俞大猷約會。而孤軍迎敵。此輕爲而至于敗也。俞大猷之且行且守。

可謂持重矣。然兵貴神速。今不與劉恩至刻期而迂道待敵。此重發而喪其功也。要之專功之心勝。而分兵之說起。則劉恩至爲之倡。而陳宗夔實附和之。忿懟之念生。而應援之志惰。則俞大猷爲之倡。而陳應魁羅拱辰實附和之。遂至弟子與尸。生靈塗炭。賊旣長驅而來。又復滿載而返。豈不深可憾哉。臣所謂十羊九牧而力分于將多。此是彼非而心乏乎共濟者。非無所據也。及賊之繼犯也。劉恩至署管叅將事務。防守嘉善地方。部下水兵。則有把總孫敖百戶鄭達。

所領蒼山等兵七百餘名。陸兵則有百戶賴榮華。省祭黃應徵所領福廣等兵八百餘名。二項之兵皆精選可用。而賴兵尤號梟雄。爲劉恩至者。若果養威持重。堅壁守要。使賊欲挑戰而不能。欲深入而不敢。以俟總督軍門調兵四集。果有勝筭。然後擊之。則可以收萬全之效。免再敗之辱矣。若以爲福兵恃勇決戰。則所之既不能使勇者之不進。又安能使怯者之不還乎。必不可制也。亦當預爲哨探。急爲救援。則賴榮華可以無歿。縣治可以不焚矣。計不出此。乃聽賴榮華之

獨進而不能制。任孫敖之獨退而不能止。使猛將精

兵歿于鋒鏑。公署民房。半爲煨燼。豈不深可痛哉。臣  
所謂貪功則競進而不讓。戰敗則觀望而不救者。非  
無所據也。即此二端。則諸臣之罪。亦不能自掩矣。叅  
照署都指揮僉事劉恩。至挾私自用。輕率寡謀。窩墩  
失律。杭兵半被殘傷。嘉善潰師。縣治亦爲煨燼。覆車  
罔戒。隆棟奚堪。此一臣者。罪當首論者也。叅將俞大  
猷。副使陳應魁。僉事羅拱辰。分兵阻截。內地雖賴以  
安全。迂道往回。形跡終涉于忿懟。兵備副使陳宗夔。  
輕聽分兵之言。遂失同舟之義。惟窩墩之一潰。致嘉

善之再侵此四臣者罪當次論而俞大猷則屢立奇績陳應魁則暫委監軍師本遠來地非專轄情有可原者也嘉興府知府劉懋力不副志事與心違封疆久失隄防屬邑屢遭殘破把總指揮孫敖東柵是宋而望風奔逃福兵被圍而束手觀望節制雖由於主將怯懦寔出乎中情嘉善縣知縣鄧植百事無能一籌莫展寇至則先民而去寇退則厚顏而歸雖無城郭宋建城之防難免殘破之罪此三臣者均當併究而劉懋則悉心幹濟久效勤勞竭力支吾至忘寢食情似可

怨者也。提督軍務巡撫都御史李天寵身膺闡寄手  
握兵符任不可謂不專權不可謂不重夫何節制竟  
違於將校機會遂失於斯須挫屢勝之威隳垂成之  
績雖違令之罪在將官而本官職專督戎亦難辭責  
但其指授方畧俱有條理籌畫軍務備極焦勞浙東  
之賊已擒浙西之寇已退即今會兵進剿尚賴竭力  
驅馳所當宥其前愆責以後効者也再照陣亡百戶  
賴榮華率兵應募果敢當先禦方張之寇而不避艱  
危奮追逐之勇而甘心効死可謂盡忠 國事所宜

厚加褒恤以示激勸者也。以上諸臣皆賞罰之所當先。故敢預爲敷陳。

題爲獻愚忠以圖安攘事疏

省諭  
倭酋

臣聞濬流以止溢者莫若塞其源。揚湯以止沸者不如去其薪。邇年蘇松兩浙連遭倭患。舊賊未及除。而新者繼至。脅從未及招。而附者接踵。廣調客兵而覆敗相仍。糜費錢糧。而地方無補。若此者。其故何哉。臣嘗早夜思之。蓋以謀事者徒知揚湯浚流之爲務。而忘去薪塞源之道。或者未之講也。臣自入浙以來。即周

諮博訪、頗得其概、其于軍伍之事、戰守之方、凡督撫諸臣所得爲者、臣皆一一與之計議、亦旣見諸施行矣、至若事情重大、非臣子所得專擅、而寔爲去薪塞源之道者、臣敢昧死爲 皇上陳之、臣節據寧波府呈、該市舶提舉司、并定海縣各關、申倭夷貢期、定例十年一次、自嘉靖二十八年、貢畢回國、扣該三十八年及期、但原使係二十五年彼中發舟、恐其仍以起行年分爲主、則三十四年適當其時、萬一指此爲名、突至定海、夷情叵測、真偽難辨、若不預先計處、恐臨

期調度、未免周章、等因到臣、已經批行三司海道等官會議去後、節據右布政使等官李綸等、議稱仰惟我國家之禦外夷、恩威迭施、仁義並用、雖以倭奴兇狡、亦許十年一貢、不阻其向化之心者、所以撫之以仁、而溥其恩于無外、然必以十年爲期、及不許人船過多、使不至于爲患內境者、所以裁之以義、而蓄其威于不測、制御夷狄之道、諒無出于二端、節經題奉欽依、所當祇承無失、合無候呈詳允日、備行寧波府衛市舶提舉司并定海縣等衙門各掌印官、督

率哨守官軍候來年風順之時如有日本夷船到彼  
納貢雖驗有真正表文勘合原自二十八年入貢之  
後至今未及十年合行遵照題准事例徑自省諭  
阻令回國不許容令進港仍將禮部原發公文給付  
來使齎回該國知會仍令通事人等親詣夷舟諭以  
題奉欽依限制已定務須遵守所貴委曲開導使  
其心服不得徑情直率致拂夷心及嚴禁地方人等  
不許私相貿易致惹事端其分守浙東叅將一聞夷  
船到洋仍須提兵不露于要津所在屯劄防禦以戒

不虞其諭遣夷舟還國之時。應否量行給與薪米下程。使遠來之夷得一醉飽而去。該府仍查訪舊規施行。然職等于此。又有一得之愚。欲爲今日濟時之畧。敢併罪伸其說。浙江地方。連年以來。苦被倭患。至其入犯之夷。恐皆窮舉絕島鼠竊狗偷之類。在彼國王知與不知。固有非我之所能料者。前此謀議之士。嘗欲捐銀萬兩。募人出海。通諭日本國王。使其鈴束倭夷。不使侵擾我境。雖未見諸施行。亦可採爲一策。況今乘此機會。正可施吾導化之術。倘若來春果有前

船入港。一面諭以貢期未及。依例阻回。一面責令逆  
曉譯語人員。責以華夷大分。仍備述 朝廷威德。光  
被異域。初無負於爾邦。而倭奴連年敢行倡亂。在彼  
國不能無罪。直書大意。移諭日本國王。倘于半年之  
間。能將內犯倭夷。立法鈐制。號召還國。不爲我患。即  
見彼國効順之誠。在 朝廷自有旌勞之典。雖使貢  
期未及。亦必預爲轉奏。兼請 朝廷重加獎賞。以彰  
中國懷遠之義。以嘉遠方効順之誠。如或不能鈐服  
倭夷。即是陽爲入貢。陰蓄異謀。仍照禁例。徑自阻絕。

如此則不惟可以逆折其非禮邀求之志亦可以成  
吾招攜伐叛之謀此蓋例外之意通變之權揆之大  
義似亦無爽等因到臣又據巡視海道副使劉起宗  
呈稱本道邇巡定海據監生生員徐應宿李賢等連  
名揭呈并諸官吏士民衆口同詞僉謂倭奴素爲稱  
臣納款之番服非套虜達賊之比但其散處別島之  
夷背其君長之令肆爲鼠竊之謀亦由沿海奸民互  
爲番舶之市漸滋勾引之弊以釀成禍害至此誠望  
遣人省諭彼國酋長俾令感畏威德遏絕冠盜庶幾

可塞其源。雖輿情懇切。第業已議止。疏案具存。似難再舉。但當時議者欲請詔諭彼國。係干 聖旨。未可輕易。今日士民同詞。欲行浙福二省。以有司之意。遣人省諭。以伸國威。祇欲題知。使有司得以開誠展布耳。其於尊重國體。通達民情。寔爲兩便。等因。亦續到臣。臣惟時有常變。事有經權。往歲海邦寧靖。軍聲振揚。或遇非期入貢。即可徑直阻回。今連歲興師。軍民俱困。見在窮寇。尚難支吾。若更起釁端。患寔叵測。不得不宛轉省諭。俾其樂從。宣揚威德。使之感悟。蓋於

處之之中。而寓化之之意。揆之大義。委未有垂。則李  
綸等之議。或亦可行者也。至于柘林等處之賊。名雖  
倭夷。而沿海奸民。寔居其半。竊意此賊。恐多各島小  
夷。必非大舉入寇。及譯審生擒倭賊。助四郎等。亦稱  
彼國荒旱。私出買賣。國主不知。則與諸士民所呈稟  
者亦畧相同。若我遣人詰問其酋知之。未必不愕然  
驚懼。急收捕而請罪。更獻餼以自贖也。但往時議者  
欲請詔諭。則恐犬羊無知。萬一少梗。有傷威重。今  
朝廷不知也者。而後從違無損焉。然人臣苟不先為啓知。則范希文移  
惟以有司之意。遣人詰問。名正言順。使彼從之。固於

有防之憂其不從亦於  
海防有益如其不從亦於其不從亦於  
國體無損則劉起宗之也

見或亦可行者也。不然則見在之倭寇有限。未來之  
倭夷無窮。見在者縱能撲滅。未來者何可勝誅。是不  
猶濬流以止溢。而不思塞其源者乎。夫是說也。人皆  
知之。但以關係夷情。事體重大。非封疆之臣所得專  
若不早為題請。取自上裁。萬一夷情叵測。事變非常。  
亦令小自變。應其巨必加以夷夷之罪矣。  
廟堂之上。未有定論。則有司何所遵守。臨期具  
奏。動經旬月。坐失事機。悔將何及。此臣所以不得不  
預陳于君父之前。以俟裁定而早為之計也。夫外

攘之策固所當急。而內安之圖尤所當先。臣竊觀諸臣建議。俱以招撫脅從爲言。此固散其黨。孤其勢之良圖也。然近日督撫諸臣。亦嘗布招徠之文。懸歸正之賞矣。而卒無一人應者。而我民之變而爲盜。叛而從賊者。日益衆。此其故何也。推而求之。其說有二。一以被虜之民。其首旣髡。官軍但獲此輩。不以爲從賊。則以爲奸細。而主將方且利之以爲首功。而冀掩其失事之罪。又安望與之昭雪也乎。是以此輩一被汚染。皆絕歸正之念。而堅從逆之心。寧九死而不悔也。

一以兩浙三吳之地。自用兵以來。連歲荒旱。民多艱食。而軍需百務。皆取足焉。老師費財。賊勢益盛。流突之處。蕩然一空。強壯散之四方。老穉轉乎溝壑。蓄積燬燼。生理蕭條。而倉庫又復空虛。有司莫能賑恤。兼以去冬。加派段疋工料等項銀兩。大約不下二十餘萬計。而戶工二部。又復查催節年之逋負。俱欲取盈于一歲。此皆徃時之所無者。臣旣領 勅督催。只得嚴行司府有司。奉承惟謹。敢云拙于催科。而軍門之加僉民兵。召募處卒。提編徭役。修築城堡。又皆事勢。

之不容已者。凡此經費。雖一木一石。一米一錢。皆生民膏脂。非由鬼輸神運而得之者也。夫中人之家。百金之產。一邑之中。能有幾何。而加之以師旅。囚之以饑饉。重困之以征徭。搜括之以勸借。奈之何。民不窮且盜也。是有司者。乃爲倭賊毆民。而又何怪乎。民之從賊也耶。是不猶揚湯以止沸。而不知去其薪者乎。臣恐日復一日。民益困迫。必將置然喪其樂生之心。而甘爲飽歿之計。外寇未已。內釁將生。其患有不可勝言者矣。臣待罪地方。目擊時事。大爲寒心。伏乞

陛下念東南之重地憫生民之困苦勅下該部將  
加派本省段疋等項。一一查議除緊等上用者臣  
一面嚴督依限織解外其餘姑照蘇松事例暫寬期  
限其節年拖欠錢糧暫且停徵及以後再有加派一  
應錢糧暫派別省稍俟年豐冠息陸續徵解照常出  
辦如此則寬一分而民受一分之賜東南之民皆知  
我皇上留神遐壤加志窮民莫不易怨譴爲謳歌  
化頑梗爲訢合瞬息之頃可使革心而又嚴殺降之  
禁開自新之路則人孰不嚮風慕義各懷鄉土之思

良民不戒而自孚。脅從不招而自來矣。以上二端。非愚臣一人之見。實攘諸衆論之同。倘若見諸施行。或亦安攘之一策也。

題爲督撫大臣玩寇殃民懇乞究治事疏

時餘皆以經本不爲功。故授意于問。而勅之。

時勅

嘉靖三十四年五月十七日。據金山等處地方備倭浙江都指揮僉事劉恩至報。據鄉兵百長吳遷等報。十六日。前去漂缺一帶。哨探見柘林賊船二三百隻。出海開行。隨獲被擄。迤回楊淮陳第六余氏。各執稱。獲賊于本日早。見有西風。一齊歡呼。搬包下船。百餘

隻即開長行、有一百餘隻亦駕出活水、新到并無包倭賊、約有萬餘計、稱畧待傷者平復、齊赴杭州搶掠、又據統領兵船協哨乍浦等處指揮張谷、李希賢、周易等報、十七日賊船出海、職等即會齊福船各兵、向賊追趕、攻戰百餘合、賊船被傷過半、戮歿傷溺者不計其數、攻毀倭船四隻、其餘賊船俱往下八山深水洋去訖、二十日、據把總指揮丁僅守禦乍浦二所指揮姚泓等、并嘉興府平湖縣各報、金山流來倭賊一蹤、約有數千、午時齊至乍浦城外、西海口潮退、被賊

燒燬閣淺兵船數多，將兵追散，仍攻本所西南二門。官兵亂用矢石銃砲，打傷數賊，未時退西。二十一日，據海鹽縣報，乍浦流來倭賊數千，迤至本縣八圍地方，離縣不穀十里。二十二日，又據該縣報，前賊俱至城下，勢甚危急。等因，各報到臣。卷查先該臣題爲懇乞聖明申勅督撫諸臣，乘勝搗巢，永除海患事。內節該臣題稱，柘林賊巢尚遺黨類，今欲乘此破竹之勢，大收掃穴之功，務期殄滅，俾無遺類。庶遠夷知警，禍根可除，而地方永保無虞矣。若當事諸臣，狃於一

勝而有驕心。苦於百戰而萌怠意。則是養虎遺患。不忠之甚者也。除具題外。臣又面語總督都御史張經。謂出劫之賊。皆係梟勅。今既悉被擒斬。巢賊聞之。必皆破膽。因其恐懼而攻之。勢當必尅。乘此兵威。以剿零賊。如摧枯拉朽耳。但永保二司兵相爲倚附。不可分營。令其暫屯乍浦。休養二三日。修整器具。由金山海塘而進。其瓦氏兵久住金山。向無寸功。其心已灰。宜調至閩行。黃浦與遊擊鄒繼芳兵合爲一營。使之志氣一新。勉圖報効。乍浦金山水兵。皆治戰艦。整火

器以待約定進兵日期。狼兵攻其東，苗兵攻其西，海洋兵船截其遁歸之路。如此則賊雖未能盡行擒滅，巢穴決可蕩平，且使餘賊之在海島者亦將聞風遠遁，不敢復來。否則相持日久，彼知虛實，新賊若至，勢難敵矣。時工部侍郎趙文華等皆在坐，僉以臣言爲是。張經時亦樂從。二宣慰及瓦氏聞之，亦皆踴躍奮勵，咸願一戰以立奇勲。不意本官復聽細人之言，甫至次日，即變其說，然猶未甚矛盾也。及賊計令數百小醜潛渡黃浦，徑趨蘇州，聲言欲犯南京，此正其詭

計姦謀欲牽制我大兵而阻撓搗巢之舉直隸當事諸臣以土兵萬餘不能堵截危言險語以挾張經張經不能主持遂分永順兵以掠蘇州至使二枝之兵東奔西走日夜不息舉皆疲困遂俱敗衄賊知墮其計中撫掌歡呼開船出巢然原船尚少不能過洋偶有新賊萬餘方到賊遂留下被傷零賊爲新賊之嚮導買舟長往水兵把總周易等截於海上止擒斬倭賊六十九名顆餘俱滿載而歸其新賊即日登岸攻圍乍浦直趨海鹽聲犯杭城我之精兵猛將盡在蘇

州莫能阻截而杭城之兵又多脆弱若賊徑攻北關則百萬生靈盡爲魚肉矣臣日夜憂惶差人請兵不絕於道至今尚未見發不知張經之見果何謂也叅照總督南直隸浙江福建等處軍務都察院右都御史兼兵部右侍郎張經素負才名近覺乖謬心惑於利害之私而漫無定主志驕於戰勝之後而不聽善言機昧持衡識迷當局致使餘燼復然前功盡棄此一臣者蓋功之首而罪之魁者也再照提督軍務兼巡撫浙江并福興泉漳地方都察院右僉都御史李

天寵性多狐疑才乏揮霍鼓舞無術而將士乖離智力俱窮而我務廢弛乍浦爲浙西之門戶而守備久踈杭城寔藩省之重地而經畧未聞臣雖屢言而不從衆皆叢怨而罔惜詆訑拒人悻悻自好此一臣者誠爲力小任重所當調處者也如蒙 皇上勅下吏兵二部查果臣言不妄乞將張經嚴加戒治李天寵量才調處則東南不勝幸甚

皇明經世文編卷之終

皇明經世文編卷之二百六十七

華亭

陳子龍臥子 徐孚遠闇公

編輯

宋徵璧尚木 何 剛慤人

宋存標子建參閱

胡少保海防論

論

胡宗憲

廣東要害論

廣東要害

廣東列郡者十。分爲三路。西路高雷廉。近占城滿刺

高夷山。沒有限水。賊流劫無窮。

諸番。中路東莞等縣。水賊倭寇不時出沒。東路惠潮

與福建連壤。漳船通番之所必經。其受海患均也。故舊制每歲春汛。各澳港皆設戰艦。秋盡乃掣回泊水

東路之便

寨。至今日則不然。倭奴衝突。莫甚于中路。亦莫便于

蓋有接濟之人故也

東路。其次則南頭等處。又其次乃及高雷廉三府。勢

有緩急。事有難易。分兵設備。亦當因之。故舊例戰船

洋洋大海。五千餘艘。而亦二十餘艘于何處生活。

中東二路。不過二十艘。今則各宜增益。而柘林爲尤

甚。蓋柘林去水寨一日之程。警報未易猝達。寇若乘

虛而入。柘林危矣。無柘林。是無水寨也。官兵每秋掣

班。必以柘林爲堡。控賊咽喉。附近大城所軍。互爲聲

援。庶保無虞焉耳。嘗聞南洋灣鄉夫在于東路。屢勝  
真倭。烏艚船子弟兵昔在中路。首擒亞八。此皆宜素  
養者也。編號定甲。更番作息。無事則隨宜農商以養  
其材。聽用則時使休閒以養其力。有警則預給工食  
椎牛醢酒以養其氣。恩威相濟。務得其心。有不戰戰  
必勝矣。雖然亦未也。沿海港口。賊舟何處不可衝入。  
不周旋。斷賊入路。不聞有奇策也。斷賊入路策之要也。奸民與賊交通。餽之酒米。餽之  
衣服。餽之利器。斷賊內交策之要也。海防者不可以  
不知。

皇明經世編

胡少保海防論

廣壽

二

平露堂

瓊管論

黎防

天下郡邑濱海者有之。未有若瓊之四面環海者。其

東西廣九百里。南北一千一百四十里。長山峻嶺。生

岐熟三黎錯居其間。而五指腹心盡爲黎據。羣崗之

有五峯。聳聳。天也。逼近定安縣。諸蠻環據其地。

中。定安尤險。郡邑封疆。及四面而環列。占城暹羅諸

番。西南外峙。東北又與閩浙諸洋相通。稍或撤備。則

門庭皆勍敵矣。廣東處南海之邊。而瓊又當其南。實

南徼之要害也。

此雖天涯海角也。如此布置亦國朝設府。統州縣十三。復設南海

可以偏安

衛。統內千戶所五。外守禦千戶所六。各海口咸置烽

埃瞭成指揮部軍統轄之。名曰備倭巡捕。巡司散布  
分列海寇望幟而知有備。然黎防之制。瓊澄臨樂文  
定諸地。舊置營戍。事久寢弛。元有烟鑑。不可不戒也。  
近因辛丑之亂。舉兵討平珠崖。駐設叅將。事雖大定。  
而險終在黎。未爲吾有。議者欲于羅活崗據以重兵。  
此亦老成持重之議  
遲以歲月。置官兵鎮之。其陵水要區之鄰于崖者。則  
界以十字路。斷其往來竄伏。更于黎衆民如感恩  
者。繕城郭甲兵以衛之。噫。必如是。而後爲久安之計  
乎。

廣福人通番當禁論

禁通番

倭奴擁衆而來動以千萬計非能自至也。由內地奸

○接○濟○奸○人○所○射○利○耳○雖○無○大○患○要○之○其○害○不○淺○

人接濟之也。濟以米水然後敢久延。濟以貨物然後

敢貿易。濟以向導然後敢深入。海洋之有接濟猶北

陞之有奸細也。奸細除而後北虜可驅。接濟嚴而後

倭夷可靖。所以稽察之者其在沿海寨司之官乎。稽

察之說有二。其一曰稽其船式。蓋國朝明禁寸板

不許下海。法固嚴矣。然濱海之民以海爲生。採捕魚

蝦有不得禁者。則易以混焉。要之雙桅尖底始可通

番各官司于採捕之船。定以平底單桅。別以記號。違者燬之。照例問擬。則船有定式。而接濟無所施矣。其

凡軍行。事每算出。

二曰稽其裝載。蓋有船雖小。亦分載出海。合之以通

番者。各官司嚴加盤詰。如果採捕之船。則計其合帶

米水之外。有無違禁器物乎。其回也。魚蝦之外。有無

販載番貨乎。有之。卽照例問擬。則載有定限。而接濟

案今嚴備。多滿網。吾未如之。

無所容矣。此須海道嚴行設法。如某寨責成某官。某

河矣。

地責成某哨。某處定以某號。某澳束以某甲。如此而

謂通番之不可禁。吾未之信也。

福洋要害論

福洋要害

三四月東南風汛番船多自粵趨閩而入于海南灣  
雲蓋寺走馬溪乃番船始發之處慣徒交接之所也  
附海有銅山玄鍾等哨之兵若先分兵守此則有以  
遏其衝而不得泊矣其勢必拋于外浯嶼外浯嶼乃  
探知虛實伺下並竭其巢穴五澳地方番人之巢窟也附海有浯嶼安邊等哨守  
之兵若先會兵守此仍撥小哨守把要緊港門則必  
不敢以泊此矣其勢必趨于料羅烏紗料羅烏紗乃  
等候之所儘可乘虛以計破之俱未得其實耳番船等候接濟之所也附近有官澳金門等哨守之

兵若先會兵守此。則又不敢以泊此矣。其勢必趨于  
圍頭峻上。圍頭峻上。乃番船停留避風之門戶也。附  
海有深扈。福金哨守之兵。若先會兵守此。則又不敢  
以泊此矣。其勢必趨于福興。若趨于福興。計其所經  
之地。在南日。則有岱墜。湄州等處。在小埕。則有海壇  
連盤等處。在烽火門。則有官井。流江。九灣等處。此賊  
船之所必泊者也。若先會兵守此。則又不敢泊矣。來  
至此堪疑連珠砲令人應接不暇  
不得停泊。去不得接濟。船中水米有限。人力易疲。將  
有不攻而自遜者。況乘其疲而夾力攻之。豈有不勝

者哉。

福洋五寨會哨論

會哨

五寨之設。尤如珠聯璧合。

烽火門水寨。設于福寧州地方。以所轄官井沙垵羅浮。南北中三哨。其後官井洋添設水寨。則又以羅江古鎮分爲二哨。是在烽火官井。當會哨者有五。

小垵水寨。設于福州府連江縣地方。以所轄閩安鎮北茭焦山等七巡司。爲南北中三哨。是在小垵寨。當會哨者有三。

南日水寨。設于興化府莆田縣地方。以所轄冲心莆

禧崇武等所司爲三哨。而文湧港哨。則近添設于平海之後。是在南日。當會哨者有四。

浯嶼水寨。設于泉州府同安縣地方。上自圍頭以至南日。下自井尾以抵銅山。大約當會哨者有二。

銅山水寨。設于漳州府漳浦縣地方。北自金山以接浯嶼。南自梅嶺以達廣東。大約當會哨者有二。

彼此會合。獨聚無端。一以俄。却迴文。

由南而哨北。則銅山會之浯嶼。浯嶼會之南日。南日會之小埕。小埕會之烽火。而北來者無不備矣。

由北而哨南。則烽火會之小埕。小埕會之南日。南日

會之浯嶼。浯嶼會之銅山。而南來者無不備矣。哨道  
聯絡。勢如常山。會捕合併。陣如魚麗。防禦之法。無踰  
于此。

### 福寧州論

八閩之地。二面當海者二。泉州是也。一面當海者二。  
福漳是也。寇閩要衝。晉江之深尾。獺窟。興化之衝心。  
平海。龍谿之海門。漳浦之鳥尾。南靖之九龍寨。溪皆  
是也。然莫有如福寧州之尤險者。蓋大地情勢。自西  
北而東南。至于福建。盡之矣。而福寧尤在福建之東。

南突出海中。如人吐舌然。其左爲甌括海居東面。其

按其形勢實爲可虞

右爲福興海居南面。福寧獨當東南北三面之海。倭

類有炸火官井五哨外衛僅可

舶入寇。必先犯此。水寨之設。職此之故也。舊寨在州

以支持

東北五六十里。三沙海面。永樂初所置。抽用福州中

左二衛。福寧衛。大金千戶所軍守之。秦嶼羅浮官井

洋胥屬焉。正統間。焦宏倡議風濤難泊。徙今松山之

下。必復舊而後可。

### 廣福浙兵船當會哨論

會哨通番

大海相連。地盡有限。若分界以守。則孤圍受敵。勢弱

而危。陳緝捕之謀。能不有賴于相須乎。愚考入番罪

犯。多係廣福浙三省之人。通夥流劫。畫辨風色夜燒南風汛則勾引

星月海船之長技也

夷船。由廣東而上。達于漳泉。蔓延于興福。北風汛則

勾引夷船。由浙而下。達于福寧。蔓延于興泉。四方無

賴。又從而接濟之。向導之。若欲調兵剿捕。攻東則竄

西。攻南則遞北。急則潛移外境。不能以窮追。緩則旋

復合。鯨有難于卒殄。此夷船與草撇船之大勢也。又

此輩實鑽穴鼠耳。看其作事。每每故三窟。故智

有一種奸徒。見本處禁嚴。勾引外省。在福建者。則于

廣東之高潮等處造船。浙江之寧紹等處置貨。糾黨

入番。在浙江廣東者。則于福建之漳泉等處造船置  
貨。糾黨入番。此三省之通弊也。故福建捕之而廣浙  
不捕不可也。廣浙捕之而福建不捕亦不可也。必嚴  
令各官于連界處會哨。如在福建者。下則哨至大成  
千戶所。與廣東之兵會。上則哨至松門千戶所。與浙  
江之兵會。在浙江者。下則哨至流江等處。與烽火之  
兵會。在廣東者。上則哨至南澳等處。與銅山之兵會。  
遇有倭患。互爲聲援。協謀會捕。賊勢豈有不孤窮。而  
海患豈有不戢寧者哉。

立法亦可謂森嚴矣

浙江四叅六總分哨論

禦賊于海

浙海諸山其界有三黃牛山馬墓長塗冊子金塘大

分列海上諸山如左

榭蘭秀劍山雙嶼雙塘六橫韭山塘頭等山界之上也。灘山澣山洋山馬蹟兩頭洞漁山三姑霍山徐公黃澤大小衛大佛頭等山界之中也。花腦求芝絡華彈丸東庫陳錢壁下等山界之下也。此倭寇必由之道也。海防每值春汛戰船出海。初哨以三月。二哨以四月。三哨以五月。小陽汛亦慎防之。其南哨也。至鎮下門南麂玉環島沙門等山。交于閩海而止。其北哨

也至洋山馬蹟灘澣衢山等處。交于直海而止。陳錢  
爲浙直分隸之處。則交相會哨。遠探窮搜。復于沈家  
門列兵船一枝。以一指揮領之。馬墓港列兵船一枝。  
此景況。學士處畢。竟參遊駐劄提。兵守。庶幾一  
以一指揮領之。舟山駐劄把總兼督水陸。賊若流突  
無虞。總領官職。年俸輕。恐難爲力也。  
中界也。則沈家門馬墓兵船。北截過長塗三姑。而與

浙西兵船相爲犄角。南截過普陀青龍洋韭山。而與

溫台兵船相爲犄角。賊若流突上界也。總兵官自烈

時親出將士。誰敢不用命。

港督發舟師。北截之于七里嶼。觀海洋。而叅將自臨

山洋。督兵應援。南截之于金塘崎頭洋。而石浦梅山

港兵船爲之應援。是故今日之設險。自內達外有三。會哨于陳錢。分哨于馬跡洋山普陀大衢爲第一重。出沈家門馬墓之師爲第二重。總兵督發兵船爲第三重。備至密也。所患者海氣溟濛。咫尺難辨。風濤鄰忽。安危叵測。兼之潮汐有順逆。哨報有難易。奸將往往藉以規避。吾何從而綜覈之哉。自海上用師以來。擊來賊者僅一二見。而要去賊者。不過文其故縱之愆。識者謂宜以擊來賊之賞。優于追去賊之賞。縱來賊之罰。嚴于縱去賊之罰。風汎時月。正副總兵不拘。

警報有無而親出海洋。嚴督各總。僇力用命。以遏海寇于方來。則何邊鄙不寧之有。

### 舟山論

舟山設備

信國公湯和經畧海上。區畫周密。獨于舟山似有未妥者。全盛時。使兩作耗。立乎嘉靖間。之危。慘。無狀也。蓋洪武間。倭犯中界。犯玉環。犯小瀆寨。皆浙東

海濱。信國所親見也。其來也。自五島開洋。衝冒風濤。困眩精神者數日。至下八陳錢。而始少憩。然孤懸外海。曠野蕭條。必更歷數潮。泊普陀島沙門之類。而後得覘我兵虛實。以爲進止。若定海之舟山。又非普陀

諸山之北。其地則故縣治也。其中爲里者四。爲寨者  
八十三。五穀之饒。魚鹽之利。可以食數萬衆。不待取  
給于外。乃倭寇貢道之所必由。寇至浙洋。未有不念  
此爲可巢者。往年被其登據。卒難驅除。可以鑑矣。我  
太祖神明先見。置昌國于其上。屯兵戍守。誠至計也。  
昌國山下應有一衛字

信國以其民孤懸。徙之內地。改隸象山。止設二所。兵  
力單弱。雖有沈家門水寨。然舟山地大。四面環海。賊

迄今更爲可虞。

舟無處不可登泊。設乘昏霧之間。假風潮之順。襲至  
舟山。海大而哨船不多。豈能必禦之乎。愚以爲定海

乃寧紹之門戶。舟山又定海之外藩也。必復修其舊制而後可。

浙直福分哨各官互爲聲援而不許自分彼此。畫地

會哨防寇

浙東地形與福建連壤。浙西地形與蘇松連壤。利害安危各有輔車相依之勢。故初制責浙江巡撫總督浙直福分哨各官互爲聲援而不許自分彼此。畫地有限。責任相聯。此廟謨之所以爲善。而海防之所以爲固也。愚考海中山沙。南起舟山。北至崇明。或斷或續。暗沙連伏。易于閣淺。賊舟大者不能東西。亂渡如

陰沙泥濘易于腰舟雖兵船最輕便未免有閣淺

之失何物島夷亦知海道必奸人啓之也所以通  
遇東北風也必由下八陳錢馬蹟等山以犯浙江而  
番之禁不可不嚴

流突乎蘇松如遇正東風也必由茶山西行以犯淮  
揚而流突乎常鎮如遇正北風也必由琉球以犯福

建而流突乎溫台三途窺遠瞭望難及須總兵官撥  
蘇軍恐各哨彼此觀望耳

遊兵把總領哨千百戶等船往來會哨其在浙江也

南則沈家門兵船哨至福建之烽火門而與小埕兵

船相會北則馬墓兵船哨至蘇州洋之洋山而與竹

箔沙兵船相會其在蘇松也南則竹箔沙兵船哨至

洋山而與浙江之馬墓兵船相會北則營前沙兵船

哨至茶山而與江北之兵船相會。諸哨絡繹連如長蛇。羣力合併。齊如扛鼎。南北夾擊。彼此不容。豈惟逐寇船于一時。殆將靖寇患于無窮矣。

### 蘇州水陸守禦論

蘇松水陸守禦

蘇州爲畿輔望郡。濱于大海。自吳淞江口以南。黃浦

爲衝要。比來總兵移鎮于此。

以東。海壖數百里。一望平坦。皆賊逕道。往因不能禦

之。于海致倭深入。二府一州九縣之地。無不剝殘。其

禍慘矣。松江之有海塘而無港口者。則自上海之川

川沙南匯等堡所悉沿海。巡守禦不可少弛。

沙南匯。華亭之青村柘林。凡賊所據以爲巢窟者。各

設陸兵把總以屯守之。而金山界于柘林乍浦之間。尤爲直浙要衝。特設總兵以爲陸兵之統領。又于其中添建游兵把總一員。專駐金山。往來巡哨。所以北

衛松江。而西援乍浦也。至于蘇州之沿海。而多港口

此三路亦衝劇近來隄防嚴密聊以卽安

者。則自嘉定之吳淞所。太倉之劉家河。常熟之福山

港。凡賊舟可入者。各設水陸把總以堵截之。而崇明

孤懸海中。尤爲賊所必經之處。特設叅將以爲水兵

自。宋時。移駐金山。水陸提調。多所更易。迄今海洋

之領袖。又于其中添置游兵把總二員。分駐竹冶營

井。塘。行。不。可。勝。言。者。矣。

前二沙。往來會哨。所以巡視海洋。而警報港口也。內

外夾持。水陸兼備。上之可以禦賊于外洋。下之可以巡塘而拒守。亦既精且密矣。但調募客兵。不如調土著之兵。可調習而有常。官造戰船。不如顧民間造私船。反堅久而省費。是在當事者酌行之而已。

### 江北設險方畧論

江北設險

淮揚二郡。介于江淮之間。東瀕大海。賊舟出沒。三面隄防爲難。

緊要重地。設險不。妨。過于稠密。

國初備禦之制。淮安設衛二。內屬所五。

外屬所五。揚州設衛三。內屬所十四。外屬所三。復建兵府。雖職司轉漕。實示控扼之勢。蓋南北之咽喉。非

他郡比也。愚考其地形。起自東南蓼角嘴。以抵姚家

蕩。綿延三四百里。除安豐等三十六場。俱在腹內。不

通州狼山以東及北乃大海洋一望無際倭船從

爲要害。要害之地。乃通州也。狼山也。楊樹港裏河鎮

此人犯甚便沿途備禦之策不容緩矣

也。餘東餘西等場也。蓼角嘴呂四場也。掘港新聞港

也。廟灣劉庄金沙場也。其尤要者有三。曰新場出人

至近。逼近揚州也。曰北海所從以通新聞港。且有鹽

艘聚泊也。曰廟灣其爲巨鎮而通大海口也。當事者

須設把總三人。一駐新港。一駐北海。一駐廟灣。更用

陸路遊擊一員。駐劄海安。則東可以控狼山。通州海

門之入而西可以捍衛揚州矣。

江淮要害論

江淮要害

此第一衝要之處非秦隸任事之臣設方畧并衛  
天下之水在北莫大于河在南莫大于江常鎮淮揚

之不可

當江河入海之際雖極大艦艦皆可乘潮而入近歲  
倭寇佯言分劫其心之狡實欲自長江以趨留都自  
淮河以窺中原而終不敢深入者由四府之防禦堅  
也必水陸常會哨互援蒼福諸船順流以遏賊鋒或  
此不過欲聚易令之寇所在殺掠耳若禦以簡練  
出賊後賊若登岸則以團練之兵禦之此常勝之形  
之兵自無生還之理矣奚但防戰  
也四郡無患則中原留都可以高枕而臥矣。

山東預備論

山東海防

倭患之作。嶺嶠以北。達于淮揚。靡不受害。而山東獨不之及者。豈其無意于此哉。亦以山東之民。便于鞍馬。而不便于舟楫。無過番下海之人。爲之嚮導接濟焉耳。

邇年登萊人過番者亦未爲少

然邇年青徐之兵。多爲所據。安知其中無識海道而勾引者乎。愚觀山東諸郡。民性强悍。樂于戰鬪。倭之短兵。不足以當其長鎗勁弩。倭之步戰。不足以當其方軌列騎。萬一至此。是自喪其元也。所虞者登萊突山海中。三面受敵。難于隄備。

二郡與閩之福寧州俱廢行樂

國朝專設備倭

都指揮一員。巡海副使一員。分駐二郡。衛所森嚴。墩堡周備。承平日久。不無廢弛。申明振勵。庶幾其無患乎。雖然。倭船至岸而後禦之。亦末矣。孰若立水寨。置巡船。制寇于海洋。山沙策之上也。嘗聞宋以前。日本入貢。自新羅以趨山東。今若人寇。必由此路。但登萊之海。危礁暗沙。不可勝測。非諳練之至。則舟且不保。何以迎敵而追擊乎。故安東以北。若勞山。赤山。竹篙。旱門。劉公芝界。八角沙門。三山諸島。乃賊之所必泊。○出。奇。兵。擊。之。何。如。○而我之所當伺焉者也。若白蓬頭。槐子口。橋雞鳴嶼。

類有此以少遇賊鋒

○候。共。必。泊。處。○

夫人嶼金嘴石倉廟淺灘亂磯乃賊之所必避而我之所當遠焉者也必嚴出洋之令勤會哨之期交牌成化壬辰以前多是海運因風濤之險時有所失信驗習熟有素則將來廟堂或修海運以備不虞之後遂從開河變亦大有賴焉獨禦寇云乎哉。

遼東軍餉論

遼東軍餉

遼東古營并地也其背爲沙漠花當吉列迷諸部落在焉其面爲滄溟其餘氣爲朝鮮國朝設瀋陽遼

邊海屏翰森然國初經制則備如此

陽三萬鐵嶺四衛統于開元以遏北狄之衝金復海蓋旅順諸軍聯屬海濱以防島夷之入烽堠星列營

寨碁布。東北藩籬。可謂固矣。洪武間。倭寇嘗以玩南方之心。而玩遼東。遼東之人。以禦北狄之法。而禦倭

寇。斬滅無遺。海氛蕩熄。劉江金線島之捷是已。二百

弘治十七年。雖經由遼海。未及登岸。

餘年。邊備如故。獨萬曆二十年。倭破朝鮮。覬覦遼左。

天津。所謀更逆。今數年。尚屯兵駐拒釜山。西生浦。未

遼陽東至鴨綠江。西至山海關。一千四百六十

歸。朝廷下明詔。敕諭戒防。但所虞者。以地方千有

十里。南至旅順海口。北至開元城。一千七十里。

餘里。衛所軍旅。凡九萬九千八百七十五員名。除新

募應援兵不計。區區止藉山海關一路饋餉。我朝

北都燕。而遠漕江南粟。又自京師達于遼陽。飛輓不

繼邊卒輒叫喚待哺。甚至凶荒。士卒相食。萬一難守。

交乘之勢。委實難支。根本之地。所當計之早也。

密邇畿輔。倭寇之人。兼以虜騎乘間。何以禦之。此其患不在兵之不强。而在食之不足。食足則兵强。兵强則守固矣。邇者登萊運米達遼甚便。惜其不多。旋復止。愚謂國初軍屯商中之制。至爲精當。而大壞極敝。司國計者。當深念而亟圖之。不當專責之幕帥而已也。

日本考畧

日本

日本古倭奴國。去中土甚遠。隔大海。依山島爲國邑。

其地東高西下。東西數千里。南北數百里。九州居西  
爲首。陸輿居東爲尾。山城居中。其國君以王爲姓。歷  
世不易。漢時來朝者三十餘國。歷東漢魏晉宋隋皆  
入貢。唐咸亨初。更號日本。國初洪武四年。遣使臣  
朝貢。永樂以來。國王嗣立。皆受本朝冊封。其地有  
五畿七道。以州統郡。附庸之國百餘。國初十年一  
貢。由浙寧波達于京師。其人兇狡無信。洪武中數爲  
邊患。沿海設備倭以待之。嘉靖初。自宋素卿之亂。始  
絕貢路矣。三十二年。挾忿深入畿甸。所過劫焚。雖費

朝廷百萬殲削之。然亦無大志也。萬曆二十年關白以華人篡奪山城君。併吞海外六十六島。大舉入寇。攻破朝鮮。擄王子陪臣。留兵屯駐釜山。西生浦。詭詞以要中朝封貢。其實寓窺伺遼左天津之意焉。幸賴天子聖明。敕諭禁訐。萬里海防。壹戒謹備。今考其入寇之路。其西北至高麗也。必由對馬島開洋。南至琉球也。必由薩摩州開洋。順風七日。其貢使之來。必由博多開洋。歷五島而入中國。因造舟水手。俱在博多故也。若其入寇。則隨風所之。東北風猛。則由薩摩。或

由五島至大小琉球。而視風之變遷。北多則犯廣東。東多則犯福建。若正東風猛。則必由五島。歷天堂官渡水。而視風之變遷。東北多則至島沙門分艚。或過韭山海關門。而犯溫州。或由舟山之南。而犯定海。犯象山奉化。犯昌國。犯台州。正東風多則至李西舉壁下陳錢分艚。或由洋山之南。而犯臨觀。犯錢塘。或由洋山之北。而犯青南。犯太倉。或過南沙而入大江。若在大洋。而風歛東南也。則犯淮揚。犯登萊。若在五島開洋。而南風方猛。則趨遼陽。趨天津。大抵倭舶之來。

恒在清明之後。前乎此風候不常。屆期方有東北風。若過五月。風自南來。倭不利于行矣。重陽後風亦有東北者。過十月。風自西北來。亦非倭所利矣。故防春者以三四月爲大汛。九十月爲小汛。其停橈之處。焚劫之權。若倭得而主之。而其帆檣所向一視乎風。實有天意存乎其間。倭安得而主之哉。今欲禦倭。當取法于梅林公。星布水寨。截其往來。多延智士。間其所親。時出哨。洋橈其登岸。厚賞將士。鼓其敢勇。倭縱狡悍。必不能持久。舉中。以自老其師。成擒必矣。